





卅九

弘治十四年至十八年



國權

不則也六百本可當國中文百篇

縣與縣並今之可也

辛酉弘治十四年吳詠不

正朔我朔西安延安慶陽地震聲如雷明日亦然朝邑尤甚至

丙辰頻震頰城廬斃人畜甚衆地坼成河河南陝州永寧盧

氏山西平陽安邑滎河各地地震蒲州日震二三至戊午地坼

出冰南京太常寺丞

己未盡車南郊不尊

辛酉金星犯建星田野



丙寅水旱免湖廣田租有差

壬申遼東蓋州永寧地連震有聲天鳴

癸酉南京太常寺少卿沈愉卒

上海人貢士脩英廟實錄授中書舍人遷尚寶司丞

甲戌憲廟廢妃章氏薨

乙亥錄宋儒朱熹十世孫燔婺源學受書

五丙子吏部右侍郎王鏊上禦事曰定廟筭大節雖祭黜

平比古之冒頓元昊猶不足方萬一但中國久安武備漸弛使

得踞梁邊境今之可畏不在小王子火篩而在嬖倖亂政功

賞不明也武臣才略可當閫外文臣威望可付邊事者誰與

求之固殊可卒得然天下之大而遂無一人乎亦或不善用

之耳將兵者將帥之事也將將者天子之事也賞一人使人

不皆勸罰一人使人人皆懼此年邊臣冒功陞賞而敗軍失

利者令戴罪殺賊此人心所以日懈邊備所以日弛伏望有

罪必罰不以近侍而免有功必賞不以疏遠而遺如此將帥

協力非不足戒矣曰重主將內臣則太監武臣則總兵文

臣則都御史都御史欲調兵總兵不可而止總兵欲出兵太

監不可而止大同有急欲調宣府兵而不能延綏有急欲調

大同兵而不可權分於將多威奪於拉埒欲望成功難矣致



仕南京戶部尚書秦紘繕練邊務雖老尚可用乞加以總制  
諸將悉聽節制庶事權歸一無或沮撓曰嚴法令曰恤邊民  
曰廣召募曰用間曰分兵曰出奇曰大營在河套宜募敢死  
之士萬人分將之俟曰入寇邊軍固守勿戰密令此軍銜枚  
掩襲我兵可大勝即不能勝亦當懲艾不敢恣寇章下所  
同音令

丁丑巡撫四川右副都御史鍾蕃復姓潘氏

福興泉漳地震

己卯晉府寧河王鍾鏤薨年三十一謚安憲

二月午司設監乞倣兵仗局收幼匠二千人工部謂兵仗局軍

器宜收幼匠濟之司設監止輿帳等何急為命收千人

夜金星犯羅堰星

乙酉前南京刑部右侍郎邊鏞卒任立人貢士授御史有治

丙戌大同總兵官張俊宣府總兵官莊鑑互易

夜月犯六諸王星

丁亥汶州縣地震辛卯又震

己丑水旱免順天河間田租有差

癸巳進士陳伯獻為南京吏科給事中



初監察御史鄒魯坐罪貶寧羗衛經歷稍遷蕭山知縣會狡  
不悛吏民怨甚邑人何舜賓以御史成慶遠衛赦歸好持吏  
短長兩人與魯不相中怨家奏舜賓逃伍事下魯仍赴戍所  
令送卒道殺之餘干又捕其家子兢走匿久之魯進山西按  
察僉事兢伺於江上篡取魯睢其目屢奏工未決至是法司  
謂魯造意殺人論死兢毆傷五品官至廢疾當戍從之其後  
俱赦免

談遷曰鄒魯之嚴酷何舜賓之悖直兩人構却並不令終  
子兢報雠不愧古人然當伏械開禍之始先幾泣阻或不

為遠道之冤骨亦子職也豈舜賓姦氣自遂不可諫耶  
徒焦身殫慮以赴之同於過涉亦足悲矣  
甲午豐城侯李璽等勒京兵二萬候聽征

乙未停蘓松常鎮導河之役初歲雇役導河民甚病之

巳亥撤陝西織絨內臣從兵部尚書馬文升之言坐營

開大同淮鹽百萬引宣府浙鹽五十萬引

庚子右副都御史熊繡為兵部右侍郎

辛丑提督四夷館太常寺少卿楊一清為南京太常寺卿

壬寅南京壽星見



癸卯電災免延安西安寧夏田租有差

乙巳蒲州地震至三月癸亥連震二十有九

丙午左春坊左諭德李旻為南京太常寺少卿

同禮太監陳寬兵部尚書馮文升選差大營吏卒

試勳臣都督等騎射罷宣城伯衛璋建平伯高霽坐營把總

指揮楊振等餘奪俸甚衆

丁未入荊州石匣口

三月朔罷延綏總兵官陳瑛論死副總兵朱瑾調戍鎮守太

監魯敏降長陵司香巡撫右副都御史王嵩降陝西布政司

右叅議先是神木堡紫栢溝失事也

已刻五色雲見

辛亥冰旱免江西去年田租有差

壬子信豐人李招貼李廷方問人周程等私販尿哇國竊封

傳底簿故紙偽入貢至廣州以聞禮部以貢使例哇字十二

號冷瓜字三號乃先年所降底簿非號紙詰其實治罪

丙辰故脩武伯沈坊以營繕封子瑞襲錦衣指揮使

丁巳故雲南按察僉事襄陽張一冲先名寬進士授檢討上用兵心法

謂易旗幟甲冑色黃土克水也語皆庸妄斥之



庚申暫免北畿山西河南山東明年歲辦果品厨料

癸亥水灾免濟南兗萊去年田租有差

南京大理寺評事夏鏞上言民困養馬困於青駒煎鹽困於

賠課近王府困於侵奪近戚里困於恣睢當孔道支應為困

有土產貢獻為困疏上章下所司

甲子旱灾免太原平陽汾潞去年田租有差

乙丑夜月犯昏宿

辛未夜月犯十二國諸周星

壬申南京國子祭酒劉震卒

安福人成化八年進士及第授編修文詞敏瞻少躁急好受餽

致譏

乙亥廷綏告倣命提督右都御史史琳率參將神英以京兵

三千往節制諸路

丙子廣東布政使汪奎為右副都御史巡撫貴州

四 戊寅朔頒勳臣都督武經七書

庚辰工部左侍郎李鏞兼左僉都御史總督延綏

軍餉

屢入遼東開原

壬午署國子事禮部右侍郎謝鐸請祀叔梁紇斥吳澄進薛

瑄禮部尚書傅瀚力持之不果行右侍郎焦芳詆澄仕元之



失曰瀚稱前人從祀必有見芳曰楊士奇方柄用以澄鄉人私庇之可又襲其非耶瀚又以薛瑄少著述竟議如故

甲申儀真知縣徐淮下錦衣獄謫 先是內使劉雄

嘆其供魏懋南京守備太監傅容以聞科道求宥不聽

丙戌漕運叅將都指揮僉事周瓚卒

遼東鎮夷堡火

丁亥山西岳陽縣地震聲如雷

戊子李璣杜旻劉瓚袁仕趙時中阮吉為試監察御史

益史琳兵七千保國公朱暉為征將軍總兵太監苗逵監

軍自宣大進都督同知李俊都督僉事李澄為左右叅將自

保定進俱赴延綏

癸巳太僕寺卿吳裕卒揭陽人成化八年進士

甲午巡撫保定右僉都御史張緒為右副都御史巡撫宣府

丁酉韓王偕瀚薨年四十三謚曰康

徐州清河柘源宿遷大雨雹壞麥

戊戌山東左布政使王沂為右副都御史巡撫保定

庚子曉刻火星犯壘壁陣東星

乙巳右春坊右諭德署國子司業黃珣為南京國子祭酒



丙午南京鴻臚寺卿王璟為右僉都御史清理兩淮鹽法時  
官戚假賜鹽為私大同

無市納者故初璟

丁未兩廣災傷暫罷清軍監察御史

山西應州大黑風教場旗自火

五條大西應州大黑風教場旗自火月申朔饒樞為福建道監察御史

巳酉翰林編脩周玉為國子司業

庚戌以兵荒賑大同難民免田租

壬子前左都督馬儀劉寧俱為左叅將從朱暉等贊畫

丙辰裁天下添設官

戊午脩大同外邊巡撫都御史劉宇役卒五萬期年年

昏刻月犯進賢星

庚申安南國王黎暉表謝

夜月犯氐宿

貴池青陽宣城潛山蕪湖大雨冰

辛酉罷鎮守陝西恭順侯吳鑑恒怯被劾

壬戌廷綏游擊將軍張雄等敗於喬家澗斬五十級

勦武岡苗賊賊殺青坡巡檢劉浩破口巡檢杜良長沙衛百

戶李俊



武安侯鄭英鎮守陝西

戊辰易州山廠工部右侍郎陳琬卒全州人成化十四年進

命京省各進地圖備覽

裁德州以北管河指揮千戶等官

己巳立大興縣隆禧寺內官監太監李興所請禮科都給事中  
中窳舉等爭之不聽

夜月犯壘壁陣東星

壬申曉刻月犯天囷星

甲戌大理府通判劉傑以其叔太監雲鎮守陝西請改順天

通判科臣交劾不聽

六月丑朔順天府尹張忠為工部右侍郎理易州山廠

庚辰應天府尹韓重改順天

辛巳連東廣寧錦義大雨水滄廬稼人畜陝西漢中大風雹

壬午前福建按察僉事章懋為南京國子祭酒

癸未廣西按察使吳倬卒

甲申發雲貴兵會討普安州叛婦米魯初營長阿保挾米魯

僭稱王總兵焦俊擊斬保米魯敗走霑益土官安民家安民

助兵五百夜襲殺故夫隆暢及子隆珀隆塔營長福祐迎米



魯還故營益攻掠諸寨貴州巡撫右副都御史錢鈺同太監  
楊友總兵官焦俊征之以都指揮劉英王璋分左右哨李雄  
吳遠侯宇為後哨截長江過其後都指揮張泰黃京各提屯  
卒千人於普安安南二城為援叅政馬炳然副使周鳳叅議  
王杲僉事龔嵩為監軍我師壓境米魯西遁奏捷

郭子章曰讀李士賈平蠻記錢公之功似偉矣然米魯之  
逸未馘於廷既有歎於呂嘉之獲而平蠻之記出自叛臣  
又大愧於退之之碑是役也功無足紀石則宜仆矣

乙酉工部右侍郎張達勘潮河川城

丁亥平陽地震有聲

己丑延綏西路右叅將曹雄等敗石澗池堡斬二十五級

定襄縣地震聲如雷

乙未朝邑地連震聲如雷

木星自壬辰晝見至是日

丙申環慶守備指揮劉雄等敗於清平萌城斬十一級

戊戌寇延綏清水堡大殺掠

己亥四川疊溪守禦千戶所地震聲如雷

脩黃巖縣宋丞相杜範墓立祠



壬寅秦府保安王誠祿薨年三十六謚昭和  
甲辰夜大星色青白自貫索流大角旁

雲南雲龍州大疫

七月未朔秦王秉攬薨年二十二謚曰昭

吏科右給事中鍾渤刑部郎中王益謙勘遼東失事狀初

陽迤東諸堡副總兵孫文毅少監劉采以卒四千赴之攻遼

迤西不備以八千餘騎分掠長勝諸屯堡遼東大震

潮河川工成

戊申夜刻南城縣火星長九丈餘自西流東

己酉左府都督僉事張晟卒

朝邑縣地震有聲

壬子初海西兀者前衛都督都里吉次子尚古入貢授指揮

後屢貢求都督止授都指揮僉事怒而不貢并率兵阻諸胡

貢道並怨之尚古已悔罪五十騎款塞守臣遽招之遂以五

百騎貢開原放五十人入京泰寧衛都督猛革忒木兒怨邊

臣獎逆入寇遼陽且留書言其狀建州左右衛亦歸咎尚古

事聞兵部謂尚古初款塞守臣宜諭回令冬入不宜招致諸

胡不平且尚古既貢奈何誅焉其令守臣檄猛革忒木兒等

自贖併歸掠和從之



癸丑先是提督軍務右都御史史琳乞以番文撫諭，篝火  
篩從之。且古語有云：『治戎渡河而東，請撤游奇兵分西路防守。』  
兵部議覆嚴備伺，東西相機戰守。  
甲寅前南京兵部左侍郎馬顯卒。廣平人，正統給事中，居官勤瘁，疏布不  
輟。

入甘州永昌山丹

夜火墜南城縣燬廬舍燔倉穀三萬九千餘石

乙卯南京刑部尚書翟瑄卒。瑄洛陽人，天順八年進士，令奉

化拜御史和易練達自大理寺丞歷撫山西遷右都御史習

於法比賜祭塋贈太子少保

戊午入宣府德勝關張家

同州朝邑地震

己未入甘州靖安等堡自戊午七月來入甘州者十有

六殺甲卒三百四十二掠牛馬六千三百有奇總兵官彭清

鎮守太監劉瑯巡撫右副都御史劉璋弛備如此兵部請以

罪不問

朝邑地復震



庚申臧鳳為浙江道監察御史

宥叅將黃鎮守備太監張瓚指揮王璽等時永寧衛雁尾山  
主居庸關石縫山東西四十里南北七十里風火七晝夜林  
木俱盡  
將樂縣火  
夜大星自旱宿流參宿三小星隨之

辛酉夜廉州及靈山縣大風雨發屋拔木官民廨舍壞盡潮  
滄百五十餘人

癸亥貴州官軍擊叛婦米魯於附馬坡敗績擄都指揮吳遠

事聞命南京戶部尚書王軾兼右副都御史提督貴州軍務

甲子，寇連陽衛沙嶺

丁卯右都御史王宗彝整飭遼東備禦遼患水旱，教寇

征，大將軍朱暉右都御史史琳太監苗達以五路之師出

紅城墩夜搗，於河套大霧間破驚遁不相格，纔斬三級駱

駝五馬四百二十六羊千八十器械二千五百捷，報功至

萬餘

談遷曰：火篩之強，中朝殆忘宵旰廢寢處矣。邊戍十數萬，  
萍散不易聚，所徵發多後期，不相值，即值亦閉壘自守，否



且魚潰矣。上拊髀興嘆，屢屢推轂陳說，虛往朱暉，再遣所截口者，幾何嗟乎！王威寧而在，當不使至此。漢文帝所以思願牧也，吾豈憂匈奴哉。

夜月犯木星

戊辰夜南京星隕

己巳入平涼

庚午命科道清理屯田兩京工科右給事中李祿監察御史李春戶部郎中王勤禮科右給事中王鎮監察御史羅列郎中夏暹浙江江西戶科左給事中蔚春監察御史杜啟員外

郎趙履祥福建廣東工科給事中張元良監察御史馮繼祖主事程果山東河南兵科給事中王承裕監察御史呂鍾員外郎夏從壽四川監察御史俞諫郎中相樞

壬申停浙江福建巡撫官

丙子立石表韓康王善行於墓

閏庚辰福州大雷雨

辛巳壽光縣隕星大如車輪天鼓鳴

壬午提督倉場戶部尚書王繼改南京刑部尚書



癸未定京官六年考察

乙酉裁臨清鈔關主事

寧夏總兵官郭鈞副總兵傅釗左右參將左方馬隆擊於

鹽池斬二十級俘二十人

戊子撫治鄖陽右副都御史陳清為戶部右侍郎提督倉場

己丑山東長山新城大雷雨地震

辛卯入薊州

前宣府巡撫右副都御史雍泰劾分守順聖川參將李傑侵

餉逮治又嘗捷參將李稽、許奏虐下命給事中徐仁錦衣

千戶李瓚勘上泰竟削籍傑大學士東陽從子也

壬辰南京兵刑部右侍郎潘蕃金澤各易任

汶川縣地震聲如雷

癸巳巡撫湖廣左副都御史樊瑩撫治鄖陽

乙未前刑部左侍郎張錦卒岷州人衛官政五年進士明敏

丁酉益沅河西寧中茶五百萬斤

戊戌賑兩畿山西山東河南水災

後府都督僉事孫貴卒

癸卯禁漕卒私鹽



乙巳遣御用監太監王瑞送玄武像武當山齋醮命內閣撰  
祝文劉健等諫止之

八朔午朔潘府清源王幼埶薨年七十謚莊簡

前錦衣衛指揮僉事王玆卒尚書王翱子

丁未分道寇原固殺京營都指揮金玉

戊申池州寧國婁慶太平大水壞廬稼

己酉前太子太保戶部尚書葉淇卒淇山陽人景泰甲戌進

士授御史天順初累坐謫武陟令改清江甯坻成化初起廣

西僉事平流寇改山東遷陝西副使至今官亮有守歷官

皆著聲在戶部能惜財賜祭葬贈太子太保

何喬遠曰葉淇始變鹽法世論以為罪顧國家承平日久

賦百凡徵賦折色者亦多變法非其人則以為罪其人則以

為功也以今內官之侵漁戶部胥吏之耗蠹邊巡撫即官

之墨邊將之債法烏能無弊哉法乎法乎惟高皇帝能

創之亦惟高皇帝能行之

水旱免開封今年田租有差

前南京兵部右侍郎黎福卒樂平人成化二年進士授御史

庚戌前巡撫貴州右副都御史謝景卒黃岡人正統十三年

進士



辛亥立坎河間忠武王張玉子定興忠烈王輔世忠祠特賜

勅

朱暉等報斬十二級時將諸擁兵不戰聞者耻之

癸丑叛婦米魯聽撫命王軾議之

丙辰雲南馬龍他郎甸長官司改新化州設流官長官普源

瓊山縣暴風雨潮溢漂廬稼人畜

廣西融縣流星大如箕河水驟赤大疫

丁巳撫治鄖陽右副都御史陳清為戶部右侍郎提督倉場

宣府四海冶守禦千戶所地震有聲

癸亥曉刻月犯昴宿

乙丑南京禮部郎中丁璣為廣東提學副使

丁卯賑大同延綏邊民

光州高州渭南地震有聲

己巳二萬騎入寧夏東路萬騎入韋州大殺掠去過其

地人髮遍野宿草風吹之旋舞莫不痛大將規避也

癸酉貴州地震俱有聲

乙亥駙馬都尉樊凱乞自收莊租特許之

大名天鼓鳴



九朔子朔日食

欽州地震聲如雷

丁丑曉刻壽星見

己卯勅太監苗達總兵朱暉都御史史琳奮勇勦賊母仍前

習

丁亥命大理寺丞劉憲太僕寺少卿王質分往陝西四鎮募

民兵

己丑夜月犯木星

庚寅夜月食

癸卯太原陳州地再震有聲

甲午汝王祐棖之國衛輝

乙未壽州地復震

甲辰起秦紘戶部尚書兼右副都御史總制延綏寧夏甘肅

陝西軍務撤史琳初正統初兵部尚書王驥提督諸軍西征

朶兒只伯己右都御史王文陳鑑分鎮守合三鎮而總

督也成化初左副都御史項忠總全陝兵討滿俊己右都御

史右副都御史馬文升俱總兵事則革不恒弘治丁巳

王越總制禦火篩明年平至是起紘任如越自是定會紘請



以開城遺民於衛城設原固州遂通商賈鹽利建倉庫墩  
堡鳩集流散後為重鎮

十丙午朔太子太保伯劉福卒

庚戌懷寧侯孫泰卒

辛亥寧夏地震有聲壬子復震

甲寅太子少保吏部尚書倪岳卒岳字舜咨上元人天順甲

申進士館選授編脩進侍讀擢禮部右侍郎歷南京吏兵部

尚書有文武才略在禮部儀文制度多新擬定柄銓日獎恬

抑躁人無以私進凡廷議獨片言而決天下皆仰其風采岳

於時獨推重馮文升至論事未嘗苟徇也年五十八贈少保

謚文毅

袁袞曰國朝罷中書省專任六部慎簡其人三載更迭為

氏之以練習世務乃後此法不行有缺止於敘遷而已百年

來 袁袞曰 十行 劉奉 衆必以為立異

故東漢時在位者多謹畏循常襲故之人其弊必至如胡

伯始而後已如倪公者挺然任事不少避忌其亦異乎患

失者哉

陳善曰吾郡入國朝來餘杭有二鄒錢塘有二倪皆父子



以開城遺民於衛城設原固州遂通商賈以鹽利建倉庫墩  
堡塢集流散後為重鎮

十朔午朔太子太保 伯劉福卒

庚戌懷寧侯孫泰卒

辛亥寧夏地震有聲壬子復震

甲寅太子少保吏部尚書倪岳卒岳字舜咨上元人天順甲

申進士館選授編脩進侍讀擢禮部右侍郎歷南京吏兵部

尚書有文武才略在禮部儀文制度多所擬定柄銓日獎恬

抑躁人無以私進凡廷議獨片言而決天下皆仰其風采岳

於時獨推重馬文升至論事未嘗苟徇也年五十八贈少保

謚文毅

袁泰曰國朝罷中書省專任六部慎簡其人三載更迭為

氏之以練習世務乃後此法不行有缺止於敘遷而已百年

來政尚因循人習浮沉其間稍自振迅者衆必以為立異

故東漢時在位者多謹畏循常襲故之人其弊必至如胡

伯始而後已如倪公者挺然任事不少避忌其亦異乎患

失者哉

陳善曰吾郡入國朝來餘杭有二鄒錢塘有二倪皆父子



鼎貴並錫優謚乃其子皆邁跡抑何偶也文毅慷慨多大節此其最賢與昔張燕公論蘓頲蘓瓌以為獻可替否黃門過於僕射若岳之於謙類之矣岳原錢塘籍

乙卯夷婦米魯復叛攻普安南城

火星犯天街星

丙辰馬湖底渦江色變白翌日濁甚壬戌清如故

夜月掩木星

丁巳叙州河變白三日

辛酉夜南京地震

壬戌松江吳江崇明朝邑地震

癸亥兵部左侍郎熊繡闕大同邊墻

甲子少傅兵部尚書馬文升改吏部尚書

丙寅國子生田守仁自薦善用偏箱車送朱暉行營

監察御史文森魯大有張津下錦衣獄森等薦周經劉大夏

直塚暉忤旨贖杖還職

戊辰岐王祐橐薨年二十四無子國除還葬京師翠微山謚

曰惠

大同失事副總兵馬昇論死宥游擊將軍王杲戍三萬衛



曉刻月掩上相星  
夜大星自太微東垣  
至近濁

辛未朝邑地震聲如雷

壬申總督兩廣右都御史劉大夏為兵部尚書南京刑部尚

書王繼改南京兵部尚書

甲戌日講增周易

十月丁丑入陝西山丹

戊寅贛州大雷雨瘡疫

己卯周府河陰王同鏡薨年五十六謚康簡

庚辰晉府寧河王邸火給費

辛巳水災免真定田租有差

遼東金州等衛大雪凍斃亡筭

壬午南京右都御史陳道為南京刑部尚書總督漕運右都

御史張敷華改南京右都御史南京刑部右侍郎潘蕃為右

都御史總督兩廣軍務兼巡撫

旌秦府沂陽王誠冽孝義誠冽事端懿王繼母張氏極孝執

喪三年如一日墓生嘉禾嘉瓜又慈烏異禽環集婦沒不再

娶



晉府交城王奇溫薨年四十三謚榮惠

乙酉遼東總兵官蔣驥巡撫右副都御史陳瑤失事免  
丁亥撫治鄖陽左副都御史樊瑩為南京刑部左侍郎  
己丑巡撫宣府右副都御史張縉總督漕運兼巡撫鳳陽  
南京金星晝見

庚寅大學士李東陽省墓

尚衣監太監秦文請准鹽三萬金助織幣從之

辛卯土星犯六諸王東星

壬辰大理寺左少卿王鑑之為右副都御史撫治鄖陽

賞河套功兵部擬四千四百五十餘人命廣之部執議如初

保國公朱暉右都御史史琳賜金幣餘有差

夜月犯軒轅南星

癸巳命刑部左侍郎何鑑賑山東徐邳淮揚大理寺右寺丞

吳一貫賑順天永平河間河南

丙申山東左布政使劉聰為右副都御史巡撫宣府

龍門衛地震有聲

丁酉分守西寧布政司左叅政馬輅避險不即任謫順德府

同知



焦淇嗣東寧伯焦俊子

己亥金星犯壘壁陣西星

辛丑徵永順宣慰使彭世麒保靖宣慰使彭仕瓏各兵三千

入助討米魯

癸卯威州番賊陷霸州堡

是月江浙南京大寒松江湖渚冰經月始解

十辰庚戌金星晝見

癸丑欽天監改作渾儀

夜月犯火星朝邑地連震有聲

甲寅傳制封睦播周王同銜臨汝王當滋郟城王聰葭路城

王榮淋縉雲王偕涇通渭王偕汧褒城王恩鉅蘄水王

丙辰威茂汶川地再震如雷

己未大同年十衛井坪所地震聲如雷

甲子初貴州按察使劉福自詭知兵巡撫都御史錢穀倚之

討叛婦米魯指揮任禮先通賊敗官軍於附馬埂進屯寶鈿

太監楊友恐王軌至分其功促福進兵都指揮僉事史鑑請

營盤江東岬太監楊友不聽猶宴樂賊夜襲我執友殺石布

政使閻鉅按察使劉福都指揮李崇武郭仁史韜李雄



決部卒千三百入軍資俱空

沈德符曰是役也西南驛騷十餘載兩舉大兵喪失文武

大吏數人糜士卒金錢亡筭而其禍止因一夷婦宣淫盡

滅隆氏之宗其弑逆忍忤唐之武韋不足道也蓋始於隆

甲暢之毫曠成於楊友之倖劫何物牝孽梗我全威祗席之上

篡賊興焉持太阿者可以戒矣

戊辰巡撫四川右僉都御史劉纓致仕

己巳召太監苗達保國公朱暉右都御史史琳入朝

辛未致仕南京工部尚書胡拱辰年五十五特賜廩役

壬申陝西左布政使林元甫為右副都御史巡撫四川順天

二府尹韓重為左副都御史巡撫遼東

壬戌私治十五年

正乙亥趙王見瀋薨年五十三謚曰靖

庚辰京營左叅將都督僉事楊玉為征前將軍總兵官鎮

守遼東

壬午順天府丞蘭琦為府尹

丙戌晉江南郊

...



丁亥晉王鍾鉉薨自

年七十五謚曰莊

癸巳科道各劾朱暉史琳失事宜罪不聽

甲午水災免太原平陽沁汾去年田租

乙未部院大計降斥二千四百八十四人計工恐其濫命慎

五之部院執奏報可

壬寅子吏部右侍郎王鏊知貢舉

壬寅山西按察僉事王鴻儒為副使仍提督學校

二乙卯吏部左侍郎吳寬翰林侍讀學士劉機主禮闈

安遠侯柳景卒

甲寅昏刻金星犯昴宿

乙卯翰林脩撰劉春為左春坊左諭德

辛酉右春坊右諭德王華為翰林學士

南京壽星見

壬戌巡撫貴州右副都御史汪奎劾免

癸亥禮部尚書傅瀚卒瀚新喻人天順甲申進士館選授檢

討進脩撰歷禮部右侍郎嗜學強記工書詩文峻雅史謂其

排程敏政代左侍郎改詹事疏時見敏政入室瀚與焦芳有

隙故醜詆焉年

贈太子太保謚文穆



丙寅廣東按察使劉洪為右僉都御史巡撫貴州贊理軍務  
選南京戶部官治貴州軍餉  
戊辰昏刻火星犯井宿  
庚午孫應爵嗣懷寧侯  
壬申禮部左侍郎張昇為尚書

三朔亥以大同脩邊進總兵官都督僉事莊鑑為都督同知巡

撫右僉都御史劉宇為右副都御史

丁丑靖州叛苗李再萬平

己卯故昌國公張懋墓祠曰莊肅

辛巳旱災免臨沅漢中平涼去年田租

許提督遠東軍務右都御史王宗彝入朝

癸未禮部右侍郎焦芳為左侍郎南京禮部右侍郎李傑改

北

撤饒州督磁內臣

甲申松潘署都指揮僉事顏玉為署都督僉事總兵官鎮守

貴州

乙酉鎮守甘肅左副總兵都督同知魯鑑卒鑑西寧人世指

揮同知累功歷鎮延綏贈右都督



丁亥廷策貢士魯鐸等二百九十九人賜康海等進士及第

出身有差

南京翰林侍講學士馬廷用為南京<sup>禮</sup>部右侍郎

廣東左布政使周孟中致仕加左副都御史

戊子夜初食祀氏宿

壬辰貢士余寘先襲錦衣正千戶世百戶已寘陞指揮僉事

至是奏先臣子俊功得世正千戶

癸巳劉岳嗣寧晉伯劉福子

琉球國中山王尚貞入貢

甲午鎮守湖廣永康侯徐錡卒

乙未御馬監左監丞孫叙鎮守雲南金齒騰衝太監吉慶死

丁酉朝邑地震聲如雷

戊戌選翰林院庶吉士胡燧魯鐸薛金温仁和李時騰霄吉

時趙承李貫畢濟川何塘張禴李元吉周禎王廷相顧燁潘

希魯盛端明朱袞王萱翰林學士梁儲王華教習

增杭州莞糧通判

庚子大理寺右寺丞劉憲募陝西土兵二萬餘

辛丑高安縣地震有聲



四朝寅朔賑京師貧民

癸卯前福建按察僉事章懋為南京國子祭酒翰林編脩羅欽順為南京國子司業懋待服除赴任

右通政陳昺闕偏頭寧武墻堡

乙巳立廬陵忠義廟祀宋丞相文天祥部曲趙時瓚等四十餘人侑之

丙午入遼東清河等堡

丙午南京刑部主事胡世寧上六事嚴考覈崇節儉汰冗官立經制重將權用間諜章下所司

前巡撫遼東都御史陳瑄謫叙州知府

壬子涇王祐楫之國沂州

潛入密雲大有谷

癸丑錦衣衛指揮僉事郭良嗣武定侯故侯郭昌子

乙卯左春坊左中允吳儼為南京侍讀學士

徽州祀宋儒朱熹如建陽

丁巳遼東鎮安鎮勇等堡旗端自火

乙丑旱災免狄道渭源去年田租

丁卯徵四川光相寺番僧國師額占竹禮部難之不聽



戊辰遼東游饑歲例外加五萬金鹽三十萬引

己巳前後府都督僉事宋澄卒

辛未故貴州右布政使閻鉅贈資善大夫祭葬子潼廕國子

監

祠宋丞相江萬里於饒州監生裴春言之

五胡亥南京工部尚書董越卒越寧都人成化己丑進士及第

授編脩進侍讀右庶子累至今官博洽善議論成化末諸大

臣不相能越游其間如樓后卿云年七十二贈太子少保謚

文僖

己卯南京禮部尚書謝綬卒綬臨川人景泰甲戌進士授工

部主事至今官刻深長於自謀深冲厚貌年六十九賜祭葬

入偏頭關

夜月犯左執法星

癸未故周世子安瀆贈周王謚曰悼

乙酉南京太僕寺卿張撫為右副都御史總督南京糧儲

丙戌獎楚世子榮滅孝行上致書楚王曰世子至孝母妃

遭疾籲代居喪哀毀人無間言宗室懿親四方其訓風化所

繫良亦非輕叔祖其以朕意特諭世子以勵將來俾益懋孝



誠永有令譽

丁亥甘肅總兵官署都督僉事彭清卒清綏德衛指揮使謀勇蕙潔多戰功名聞西域喪母妻貧不能歸葬比屬續戒子受賻贈年五十四西人巷哭賜祭葬

己丑曉刻金星犯天南星

庚寅鎮守廣西署都督僉事歐啓為平蠻將軍總兵官鎮守湖廣

總制陝西軍務尚書秦紘上全勝車高五尺四寸衡二尺四寸長丈四尺上放銃二人下四人周車布甲衝陣首車追襲

尾車俱放銃

上命試之

壬辰大學士劉健等請早朝辰未二時奏事每朝退講學省織造齋醮工納之

癸巳沙縣盜胡天瑀平

巡撫寧夏右副都御史王珣疾去

庚子水災免衛永荆辰長沙沔陽去年田租有差

總制尚書秦紘言邊備平涼北四百餘里豫望城固靖北三百餘里石峽口及雙峰臺城最衝宜備此第一阨也進而稍南西安州鎮戎所海刺都打刺赤黑水口乾鹽城大牙參



錯此第二阨也又進而南固原衛靖州衛平灘堡東山城白楊城分布守禦此第三阨也又進而益南火龍溝虎山溝金佛峽麻張溝海子口皆山澗蹊徑分兵據險此第四阨也以此防邊似為得策上從之

六辛丑朔南京暴風雨拔孝陵樹

右僉都御史劉憲巡撫寧夏

癸卯巡撫河南右副都御史鄭齡卒

弋陽人成化五年進士有官績

乙巳木星連晝見

己酉陝西行都司地屢震有聲

右都御史王宗彛為南京禮部尚書戶部左侍郎李孟賜為

南京工部尚書

辛亥留南京吏部右侍郎楊守陞充會典副總裁

壬子趙文奎為南京監察御史

曉刻土星犯井宿

甲寅監察御史車梁下鎮撫司獄初梁應詔言廠衛擬招送法司多避嫌不敢異議乞今後毋具招止送人法司推問東廠謂梁叔刑部郎中震以東廠發奸降黜故挾私妄言遂訊梁科道疏救贖還職



丙辰戶部右侍郎王儼為左侍郎右副都御史顧佐為戶部  
右侍郎

己未唐王彌錦言親藩或為惡未敗多獲美謚是使善者怠  
惡者肆也今宜勘實酌定美惡從之仍獎諭通示諸王

壬戌刑部左侍郎屠勳服闋改左副都御史  
甲子江西左布政使孫需為右副都御史巡撫河南

丁卯復會山海關鎖鑰歸守備武臣初屬主事  
己巳鎮守河南太監藍忠乞休以吏民留之

庚午大學士劉健等辭擬釋迦啞塔像贊從之  
七辛未朔華州地震有聲

癸酉南京大風雨江水溢  
丙子曉刻木星犯六諸王東星

丁丑南京工科給事中徐沂請約束外戚裁倉廠市舶織造  
添設內臣報聞

己卯錄國初劉基九世孫瑜世處州衛指揮使  
昏刻月犯心痛  
從中吳仕偉言

癸未涼州副總兵署都指揮同知劉勝為署都督僉事平寇  
將軍總兵官鎮守甘肅



乙酉故廣東布政司左叅議南浮劉信進廣西右叅政死黎賊贈嘉議大夫諭祭廕子景宗入太學

通政司使沈祿為禮部右侍郎署司事太常寺少卿田景賢為通政司使

前南京戶部尚書梁璟卒璟嶧縣人天順甲申進士授兵科給事中清謹不事文飾歷任彈力賜祭葬

雲南平夷衛順寧府大疫順寧又大火  
丁亥葭州雨雹傷稼

戊子山西偏頭等關墩臺成  
己丑提督貴州軍務尚書王軾討米魯道並進獲之擒百

九十人斬四千八百餘級俘男婦千人班師  
己亥雲南瀾滄衛及北勝州皆地震有聲

八庚子朔兵部尚書劉大夏兼理營務  
癸卯罷鎮守遼東太監梁玘巡撫左副都御史韓重圮貪悞

重劾之玘亦訐重徵重下獄贖徒  
己巳議設武科每文舉鄉試之年許赴試取送兵部請次年

得三矢以上者為  
率末試策二論一  
丁未淮王祁銓薨年六十八謚曰康



戊申河南按察使張禹為右諭都御史巡撫遼東宣府合河

口石山崩

庚戌前兵部尚書項忠卒忠字蓋臣秀水人正統壬戌進士授刑部主事遷員外郎己巳陷土木自拔歸遷郎中歷大理寺卿右副都御史巡撫陝西開涇陽鄭白渠溉田七萬頃召入臺以固原滿四叛出總督平之遷右都御史又平荆襄賊遷左都御史刑部尚書改兵部諫立西廠忤旨去剛果沉毅曉暢軍事年八十二贈太子太保謚襄毅孫鏞世嘉興所干

袁隆曰始予讀鈞陽馬公西征石城記知項公有將略浮

名信不顧卒以成功昔先零未服而辛武賢請急進兵淮蔡

將下而李逢吉請班師非漢宣之明唐憲之斷何以成功

哉頃公雖得之滿四然卒以荆襄招怨讎故曰難成者功

也易興者謗也君子以身任天下之事死生以之而馬能

使人之不我謗哉

遣南京守備成國公朱輔祭告郊社駙馬都尉楊偉祭告

孝陵太廟

辛亥遣駙馬都尉馮誠祭告鳳陽皇陵



逮涇府承奉韋璿張賢等以道橫被劾

癸丑曉刻南京壽星見

甲寅楚府壽昌王季埈年六十五謚靖和

四川右布政使周瑛致仕

己未高州大風雨海溢壞城郭

九月庚午朔定文武賜謚下禮部具奏移牒吏兵二部詳其行實

日食

癸酉宣府懷來衛隆慶右衛俱地震有聲

己卯國子司業周玉歸省

前南京大理寺卿吳道宏卒

宜賓人天順丁丑進士授南京太常博士擢御史撫荆襄流民

著功最

壬午貴州左布政使黃璉卒 莆田人成化二年進士

乙酉裁貴州右布政使

丙戌應天大名順德濟南東昌兗州開封彰德平陽澤潞地

震聲如雷濮州尤甚井溢地裂

戊子左副都御史屠勳為刑部右侍郎

減光祿寺日供酒饌及鳥獸料食

己丑夜月犯五諸侯星



壬辰曉刻月犯軒轅南星

癸巳南京欽天監正李鐘加南京太常寺少卿

南京右僉都御史林俊巡視江南時多盜特賜勅

甲午五千餘騎犯遼東長安堡副總兵劉祥等禦之斬五

十二級六即南長官州平斷數

乙未河患免開封歸德夏稅有差

丁酉淮府清江王見激薨年二十六謚端裕

十月寅灤州昌黎各地震有聲

癸卯免明年元夕烟火

安南國王黎暉入貢

甲辰前太子少保南京兵部尚書張悅卒悅字時敏華亭人

天順庚辰進士授刑部主事進員外即歷浙江提學副使士

類信服進四川湖廣按察使能執法累禮吏侍部即風裁益

峻博學清謹始終無議贈太子太保謚莊簡

馮寺可曰孝廟初年如太陽懸天光燭萬宇一時群王

幽夜空獨持一節無所緇涅而未嘗露硜角飾荃藻豈

微薄所幾耶端揆不拜天下悵然勇退急流帶絲弁馭以

共卓、者白晝火廷



壬辰曉刻月犯軒轅南星

癸巳南京欽天監、正李鐘加南京太常寺少卿

南京右僉都御史林俊巡視江南時多盜特賜勅

甲午五千人餘騎犯遼東長安堡副總兵劉祥等禦之斬五

十二級

乙未河患免開封歸德夏稅有差

丁酉淮府清江王見激薨年二十六謚端裕

十月寅灤州昌黎各地震有聲

癸卯免明年元夕烟火

安南國王黎暉入貢

甲辰前太子少保南京兵部尚書張悅卒悅字時敏華亭人

天順庚辰進士授刑部主事進員外郎歷浙江提學副使士

類信服進四川湖廣按察使能執法累禮吏侍部郎風裁益

峻博學清謹始終無議贈太子太保謚莊簡

馮時可曰孝廟初年如太陽懸天光燭萬宇一時群王

盡輸粹白殫厥乃心以媚天子公其卓、者白晝火廷

幽夜空室獨持一節無所緇涅而未嘗露硜角飾荃藻豈

微薄所幾耶端揆不拜天下悵然勇退急流帶魚弁馭以



鎮薄俗所謂知微知彰萬夫所望吾無間然矣

乙巳分守連陽少監劉恭私官田三百餘畝錫三級

丙午郊刻星隕濟寧天鼓鳴

浙江清軍監察御史任文獻被錢塘通判沈激訐辱謫蓋田

知縣

己酉楚府輔國將軍均鐸蒸淫賜死

夜月犯壘壁陣東星

進士孫楨潘鐸趙鐸湯禮敬為給事中

壬子周府河清王晏沈薨年二十三謚端穆

癸丑周府封丘王子整薨年六十七謚溫和

己未初南京光祿寺卿楊峻請崇望子克諸生長史提督考

校禮部覆覆之

辛酉會計戶部出入總數

夜月犯上將星

甲子應朔代山陰馬邑陽曲俱地震有聲

乙丑定都司領班官比較銜

丁卯南京地震

戊辰客星見張宿天廟星旁



九月客星至翼宿

十月壬申瓊州黎賊符南蛇作亂設兵備副使

癸酉工科給事中陶諧請經筵講真德秀大學衍義 工納

曉刻金星犯井宿

戊寅脩真定護城二堤防滹沱水患

夜客星滅

己卯秦府汧陽王誠別薨年四十五謚安裕

庚辰夜月犯天陰星

辛巳慶府真寧王寘薨年三十八謚溫穆

丁亥前太子太保工部尚書徐貫卒貫淳安人天順丁丑進

士授兵部職方主事歷郎中敏練有聲巡視福建海道治水

蘓松俱奏績晚節頗不兢云

戊子雲南畫晦七日有掾吏負稅多用事者乘天晦稱黑青

七日雲貴山高天黑常耳致朝廷以為大變遣官考察盡蠲

其負見鄧川僉事楊南金所著破說偽文

庚寅冰災免淮揚鳳陽徐滁和田租三十萬四千二百六十

石



辛卯故武邑懷隱王

以代王俊杖父進封代王謚曰思

甲午停南海採珠

乙未夜明犯心宿

十 二月庚子停呂商中茶

辛丑水灾免保定河間田租有差

夜土星犯井宿

傳陞貴州都指揮使王寧總督山東備倭科道爭之不聽

戊申夜月犯昴宿

己酉大明會典成獨中官職守不書

談遷曰 孝皇時閣尹失權又洛陽餘姚為之領袖庸有

所嫌忌乎哉竟攬筆不書安望其破司隸之柱也噫 康

陵而後益無論矣

庚戌太監金輔李珍使朝鮮封世子李顒

辛亥工偶疾不朝

甲寅太傅兼太子太傅平江伯陳銳卒銳讀書好吟詠雖早

有聲不閑將略晚督宣大隕其前烈

戊午湖廣左布政使韓鎬為右副都御史巡撫湖廣

己未禱雪



水災免河南田租有差

庚申前刑部尚書何喬新卒喬新字廷秀廣昌人景泰甲戌進士授南京刑部主事歷郎中至河南按察使招荆襄流民附籍累進尚書剛介寡與少好學至老不倦文精采有矩度長於吏事贈太子少傅謚文肅

談遷曰成化間倪文毅之於謙何文肅之於文淵俱風節矯而光於前烈而史以焦芳脩却誣其脅父自盡讒人因極要不得寬蟻之也素察曰何椒丘之德學政事亦近時所罕也而卒以讒廢

使大用之其事業惡可量哉世傳椒丘之賢過其父太宰公要必有不誣者何喬遠曰予讀弘治實錄何喬新與葉盛行事皆不載蓋隳芳之為也

辛酉南京太常寺卿楊一清為左副都御史督理陝西馬政水災免應天安慶田租七萬九千餘石壬戌右春坊右贊善楊時暢為左春坊左諭德

乙丑故貴州按察使巴縣劉福賜祭葬子入太學後追議福失事欲奪卹典工不問



丙寅水旱免真定廣平大名順德田租五萬五千餘石  
泰寧三衛夷夜寇遼東瑞昌醒官軍追斬三十八級

癸亥弘治十六年

正月朔上朝

癸酉南京流星晝見

戊寅脩河間天津隄岸

己卯昏刻月犯五諸侯東星夜土星犯井宿

壬午翰林學士張元禎為南京太常寺卿

癸未巡撫湖廣右副都御史韓鎬卒盧氏人成化十四年進

參議散金衛饑盜歷任見稱

雲南金騰參將都指揮盧和參議郭緒副使曹玉諭降孟養

思陸思陸歸我侵地欽兵過金沙江入貢

丙戌雲南宜良縣地再震

己丑令應天太平鎮江牧馬群長皆五年一更如廬鳳淮揚

例蓋江南舊十年一更

辛卯曉刻月犯心宿東星

癸巳始設保定守備官



乙未柳文嗣安遠侯柳景子

二朔戊朔南京光祿寺卿楊峻致仕

己亥總制陝西軍務秦紘兼督寧夏築花馬池墩堡

修北安門

雲南宜良縣晝晦

辛丑上復視朝

裁偏頭關參將

壬寅復臨清工部主事管輅

癸卯調江西巡撫都御史韓邦問改林俊巡撫江西

丙午月犯五諸辰北星

戊申上南郊

辛亥左僉都御史陳璘為南京左副都御史

壬子夜月當食不食禮部以欽天監官吳昇等失筭宥之

甲寅故玉山知縣止虞孫景雲卒妻鍾氏自經旌其貞烈

乙卯昏刻南京壽星見

丙辰鑄弘治通寶錢

戊午進士李光翰為南京戶科給事中

庚申夜南京地震



癸亥前總督南京糧儲右副都御史劉瑀卒。縣人。成化二年進士。南昌兵備道駐瑞州捕盜。

乙丑進劉健少師兼太子太師吏部尚書華蓋殿大學士李東陽太子太保戶部尚書兼謹身殿大學士謝遷太子太保禮部尚書兼武英殿大學士纂脩會典恩。吏部左侍郎兼翰林學士吳寬為尚書仍署詹事府南京吏部右侍郎楊守址為左侍郎。

三朔午前巡撫遼東左副都御史韓重巡撫湖廣。陝西禮縣地震有聲。

辛未纂脩官翰林學士梁儲王華為少詹事侍讀學士劉機江瀾侍講學士武衛張芮俱為學士左中允楊廷和為左春坊大學士兼侍讀學士左諭德劉春楊時暢侍讀白鉞俱侍講學士右中允靳貴為左諭德兼侍講學士脩撰毛澄為右諭德兼脩撰朱希周毛紀編脩顧清為侍讀編脩兼校書傳珪為左中允兼編脩編脩陳瀾為脩撰典籍夏賚為檢討潘辰為五經博士。癸酉巡撫遼東右僉都御史張禹請築邊墻從之。甲戌前南京工部右侍郎徐恪卒恪常熟人成化丙戌進士。



授工科給事中遷湖廣左叅議中貴貢武當筭執奏寢之歷  
任俱介廉自植

劉鳳曰恪儀觀甚美偉丈夫哉其所守乃不可奪不以文

學議論長而過事是非蜂起以一言立斷推誠體國公諒

之有為焉雖數時過明主知讒不行得以肆所為國亦

以見憲考間得人盛無不侃閣謀議可否中外

相應越有成績豈偶然哉

乙亥遼東鉄嶺衛火

丁丑太常寺卿李溫進戶部左侍郎提督四夷館

戊寅吏部右侍郎王鏊憂去

工部員外郎韓大章主事趙曠督催浙直紵綾紗羅紬五萬

五千五百匹并宿員

辛巳裁廣西巡檢司十有七

壬午少詹事兼翰林學士梁儲為吏部右侍郎

增葺昌莞糧通判二分理甘肅涼州鎮番

癸未湯沐李高張璉秦銳陳茂烈李璽為試監察御史

乙酉巡撫江西都御史林俊立哨甲以歸正人王武領之

浙江武義縣雨雹傷麻麥



丙戌寧夏地震有聲

丁亥設湖廣城步縣隸賈慶

趙府廣安王祐祔祫二十五年二十五謚端裕

辛卯翰林侍讀毛紀歸省

增南京戶部福建湖廣河南山東陝西祠主事

甲午江西新昌縣雨雹殺麥大庾縣疫

四五月寅廬陵縣祈祭故監察御史贈大理寺左寺丞鍾同於忠

節祠

癸卯劉道葛嵩楊一漢胡洪馬駸為給事中

丁未勅旌鎮守河南太監藍忠福建太監鄒原浙江太監麥

秀宣府太監劉清俱簡靜宜民

辛亥甘肅大風霾

癸丑夜月犯心宿

丙辰雞澤縣雨雹殺麥

丁巳增雲南寧州嶧峨蒙自縣俱流官

戊午寬河衛倉穴燬穀粟四萬餘石

乙丑南京兵部尚書王繼卒繼祥符人成化丙戌進士授御

史有風裁歷山西按察使諫止中官採紫碧山石騰官四十



年無厚貨  
李瀛曰弘治間中貴人李廣權傾中外大臣競賄結之  
獨不與通戊午廣懼罪死科道官劾論交通大臣其  
閉其人衆悉宥之翌日早朝空班謝罪惟公與兵書鈞陽  
馬公弗預岳紳竝立無忤色焉當時廷臣雖優容亦漸罷  
去之而鈞陽祥符之名自是益著嗚呼卓哉二公其斯以  
為大臣矣乎

營州地震高唐博平趙州俱雨雹殺麥

五期午宣府懷來衛及保安右衛大雨雹傷稼

戎寅巡按遼東監察御史王獻臣遇事敢言駭邊將襲為

緝事擠陷下錦衣獄請上抗縣丞

已郊復臨清鈔關戶部主事

康辰衍聖公孔弘泰率兄子聞韶嗣

癸未增慶陽通判監理花馬池鹽課

甲申增四刑按察司威儀道孫備副使裁莞糧參議

丁亥盜劫同州庫不獲知州張萬源償治其罪

戊子遼府沅陵王恩鈞薨年四十二謚莊恪

南京刑部左侍郎樊瑩兼左僉都御史巡視雲貴奏斥貴州



官三百餘文雲南五百人金武金祿時久以縣雲貴卷六十四  
岸郊榆林衛大雨雹壞城垣四十二計並飲

大學士劉健等奉旨摘編通鑑備御覽推詹事府禮部尚書

吳寬禮部右侍郎署國子祭酒謝鐸南京太常寺卿張元禎

少詹事兼學士王華學士劉機江瀾左春坊大學士兼侍讀

學士楊廷和侍講學士劉春白鉞左庶子張天瑞左諭德兼

侍講靳貴右諭德兼脩撰毛澄侍講張深劉忠右中允蔣冕

左贊善費宏編脩羅玘徐穆王璿纂脩

壬辰吏部左侍郎韓文為南京兵部尚書

九月未巡撫江西右僉都御史林俊乞停寧府改琉璃瓦不聽

六月申朔禮部左侍郎焦芳改吏部左侍郎

減蘓松杭織幣三分之一

辛丑禮部右侍郎李傑為左侍郎少詹事王華為右侍郎

壬寅旱災免徽州去年夏麥四萬一千三百石

癸卯翰林侍講劉忠為侍讀學士

乙巳錦衣衛百戶魏銘乞赴太同報効下兵部斟酌報効人

毋監許殃民時武弁饗功時常託近幸求報効至則市級掠

獲竄者邀賞或身不出門功紀於冊上稔之故戒勅如此



初保靖蠻彭萬里國初歸附授保靖宣慰司使領二十寨  
萬里傳勇烈勇烈傳藥哈俾尚幼萬里弟子可宜諷士人立  
為副宣慰殺藥哈俾據十四寨下獄死章副宣慰猶據寨如  
故其後勇烈弟勇傑嗣傳南木杆傳顯宗傳仕瓏與夷蠻可  
宜子孫日仇殺兵部議世英歸小江七寨於仕瓏止領大江  
七寨獲沈埠聽仕瓏約束報可

大同中路海東山墩旗端自火

丙午營州日照大雨冰滄稼

戊申暹羅入貢

己酉前府太子太保鎮遠侯顧溥卒溥居官三十餘年歷鎮  
湖廣貴州守陶盡職在湖廣令卒負水灌牡丹有僧問所汲  
何地溥知其諷即謝過沒不能殯吏卒哀慟賜祭塋謚襄恪  
杖桂陽知州新喻教毓元諱戎南丹衛毓元性嚴於嫉惡怒  
部民李怡瘼死五人致訐訴遣中貴訊之不屈獄上死杖下  
史謂苛暴好  
科罰未足信  
乙卯延綏副總兵署都指揮僉事吳江為征西前將軍署都  
督僉事總兵官鎮守大同

辛酉祠宋臣李芾陳文龍陳瓚於福州長沙興化



癸亥進馬文并少師九幹考滿

七月外陝西乾州地震

己巳曉刻木星犯井宿

庚午瓊州黎賊符南紀平斬二千五百六十餘級俘千四百

壬申南京金星晝見

丙子昏刻月犯箕宿

丁丑周府內鄉王同錕薨年四十八謚溫穆

鄭府東王見瀆薨年四十謚端惠

曉刻火星犯六諸侯王星

癸未申親王之國舊例舡不過五百艘其軍校自備舡自備

輓伯吉王始乞護送與王岐王至般九百餘道役數萬人

其後會壽王涇王舡七百官校橫擾坐罪至是榮王將之

國預戒之

甲申駙馬都尉齊世英卒世英大同人尚仁和長公主驕侈

沉湎或經歲不朝

丁亥英廟妃余氏薨謚僖恪克妃

庚寅前太子太傅刑部尚書白昂卒昂武進人天順丁丑進



壬授南京禮科給事中通敏和厚有謀斷善因事成功之骨鯁之節年六十九贈太保謚康敏

前南京國子祭酒羅璟卒璟泰和人天順八年進士及第授編脩歷洗馬坐忌調南京禮部員外郎轉福建提學副使拜祭酒頗傷寬緩

停太倉洗白苧布四千餘匹

辛卯曉刻土星犯天鐸星木星晝見京師雨雹

壬辰金星晝見

癸巳申王祐楷薨王未之國年十七謚曰懿

甲午進南昌寧縣為州

八 癸卯河南得古銅印三百俱元物晝燬之

太醫院編葺本草太監張愉主其事

甲辰南京木星晝見

丙午進士石祿為南京刑科給事中

戊申商城盜平

辛亥故翰林侍講劉球曾孫祠廡通政司知事

前太常寺卿任道遜卒瑞安人善書

壬子曉刻木星犯天鐸星



甲寅巡撫應天左副都御史彭禮劾免

乙卯翰林學士張芮歸省

丁巳夜壽星現

庚申前翰林侍讀學士江朝宗卒已縣人景泰二年進士

夜火王木星同井宿

辛酉應城伯孫繼先卒

壬戌周府上洛王同錄薨年四十一謚莊忠

巡撫山西左僉都御史魏紳為右副都御史巡撫應天蘓松

總理糧儲

九月外鎮守遼東太監梁玘有罪謫

己巳孔聞韶嗣衍聖公

大理寺左少卿何鈞為右副都御史提督鴈門等關兼巡撫

山西

辛未歸德城水溺改築新城

壬申安陸地震

丙子趙府南宮祈鉅薨年六十二謚安懿

丁丑興化福州地震

右僉都御史王璟巡視浙江賑寧波

其廬鳳淮揚山東



湖廣災傷各委賑  
戊寅遼東廣寧衛火

庚辰前吏部尚書吳昇吳字同仁歷城人正統戊辰進士  
館選授刑科給事中敢言權通政司右叅議有才略善斷在  
吏部先後二十餘年隨才授任各得其職凡經銓註雖桐人  
心吏既久猶識其名姦偽不售方士李孜省憾甚構去之落

太子太傅年十一賜祭葬謚恭毅

壬午崇明縣大風潮溢免今年田租

甲申進慶雲侯周壽太傅瑞安侯王源壽寧侯張鶴齡長寧

伯周或俱太保建昌伯張廷齡進建昌侯

昏刻金星犯天江星

辛卯曉刻月犯左執法星

十月酉差申懿王

祠宋臣趙抃於成都同秦守李冰漢守文翁宋守張詠

辛丑湖廣右布政使張本為右副都御史巡撫江西

遼東古城堡火

癸卯不冠萬全洗馬林堡

乙巳南京太常寺卿張元禎改太常寺卿兼翰林學士直講



元禎短示太上特設抵几就之

丙午夜月犯外屏西星

丁未曉刻金星犯南斗魁星

戊申夜月犯天陰南星

壬子都昌縣祠元儒陳澹江西按察副使邵寶言之

十錦衣衛指揮僉事劉斌卒

甲寅纂脩詩海珠璣成

乙卯大學士劉健等請停齋醮及刻佛經道書上納之

丙辰夜月犯上將星

丁巳昏刻金星犯狗星

戊戌入遠東長安堡

己未陳能嗣平江伯陳銳子

壬戌安南國王黎暉入貢

十册戊辰翰林編脩徐穆為侍讀

癸酉監察御史顧潛上稽古治要

丙子夜月犯昴宿

丁丑昏刻月犯五諸侯星

庚辰山西山陰縣地震



辛巳昏刻金星犯羅堰星

甲申代府山陰王仕楓薨年四十一謚端裕

乙酉旌韓府輔國將軍偕利孝行

癸巳旱災免蕪松常鎮田租有差

十辰戌戌入寧夏大閱

辛丑傳制封彥汰岷王旭樞韓王安濯富陽王安濂會稽王

安涇浦江王安汾潁水王當總館陶王

誅應州妖人李道明

丙午蠲浙直歲辦果品蠟茶等料其山東河南湖廣兩畿災

輕免十之五

壬子孫鉞嗣應城伯孫繼先子

癸丑河南左布政使李進為右副都御史巡撫宣府

乙卯巡撫延綏右僉都御史陳壽為南京右副都御史壽在

鎮營三捷或請注子弟功曰吾子弟不任戰竟不預

開沂州胡陵山礦

辛酉工部右侍郎李鏊視濟寧石堰

甲子弘治十七年



正月亥朔南昌新塗火

乙丑宥霽益土知州安民罪安民姑即叛婦米魯前匿其家  
衡山縣大雪深三尺是歲稔禾一莖或十穗

辛未南京工部右侍郎高銓賑應天屬縣

定國公徐永寧卒妻子氏自經殉之旌頌烈

昏刻月犯昴宿

甲戌上南郊

乙亥督理陝西馬政左副都御史楊一清請增種馬增收軍

曰陝西苑馬寺轄六監二十四苑今止二監六苑臣徧歷其

地酌定三則開城安定為上苑馬可二萬匹廣寧萬安為中

苑熾河平年匹清平黑水為下苑歲可四千匹但種馬有關

請給二萬四千金市種孳息牧軍舊千二百餘今七百餘宜

編流戶給草場住牧從之

趙時春曰馬於兵政為最大故古以司馬為官不重而優

幸與馬則兵得以欺謾抵易而馬愈不振官重馬而罰過深

或則兵困而馬耗大要稽馬之實在將領而不在僕牧

兩之官使馬勿耗在調發之簡便飼牧之以時而不在于法

令之具備也官不得人則法愈嚴而弊愈滋不可不以情



察也

丙子威州汶州地震有聲

庚辰夜大星自紫微垣逐至近濁

辛巳鹽城縣地震有聲

癸未傳陞廬龍衛指揮使胡震為署都指揮僉事分守通州

部科爭之不聽

申禁誣告

甲申停福建採鷓鴣竹雞等南京吏科給事中陳伯獻疏止

之

夜月犯房宿

丙戌太常寺卿崔志端加禮部尚書科道交劾不聽

水灾免順天保定河間去年田租有差

庚寅巡撫宣府右副都御史劉聰下獄以妖人李道明獄多

株累降湖廣叅政尋察去

壬辰旱灾免湖廣去年田租有差

巡撫江西都御史林俊以聖節行部寧王宸濠訐之奪俸三

月

巡撫貴州都御史劉洪乞賜土官漢姓名從其俗



二期己朔廣東歸善盜古三仔等伏誅  
卯刻南京金星晝見

甲午命錄囚詳讞不拘一罰  
乙未水災免開封懷慶去年夏稅有差

巡撫四川都御史林元甫巡撫貴州都御史劉洪兩易任

戊戌辰刻金星晝見

壬寅南京刑部尚書陳道卒道盱眙人天順甲申進士授吏

部主事調南京刑部歷郎中出守金華治豪穢境內肅然累

進尚書沉靜寬裕好文不自炫贈太子少保賜祭葬

乙巳太子太傅遂安伯陳韶卒

戊申立壽塔於朝陽門外大學士劉健等極言其非從之

庚戌兵部尚書劉大夏等言江南江北災傷太甚陝西徃歲

用兵江浙困役乞蠲租節養上納之其即擬上

辛亥大學士劉健等以撰真人杜永祺等誥非禮祖宗廟

號十六字文武大臣謚二字此輩封號至十八字虛詞濫譽

臣未敢奉命上從之

癸丑興安伯徐盛卒

己刻白虹彌天



戊午昏刻南京壽星見

庚申旱災免杭嘉湖寧紹去年田租有差

入遼東義州

三月戊朔聖慈仁壽太皇太后周氏崩遺詔曰予昔獲事

英宗皇帝越既有年龍馭上賓攀龍莫逮憲宗皇帝嗣統

之日遂膺尊號備隆孝養重遭變故內疚予衷賴今皇帝

孝教誠篤皇太后皇后奉養周至於今壽七十有五得復

從先皇帝左右於地下死無憾矣顧皇帝繼承正緒須

念祖宗創業艱難社稷至重邇年水旱相仍天下軍民困

苦宜勤厲節儉任賢使能爾文武群臣各懷忠秉志以匡輔

德業恢弘治化共保億萬年無疆之休皇太子國本所繫

務進學成德以端大本宮中大小事悉奏皇太后而行諸

外戚務遵皇祖明訓不得干預國政予生無德及下喪服

悉遵累朝太后遺詔以日易月予言不再

命浦縣夜大星如箕流東南而裂聲如鼓

己巳上始御西角門群臣奉慰

祀五諸侯星

庚午鎮守寧夏總兵官署都督僉事郭鈞卒鈞世延安衛指揮



揮使屢經行陣亦能將也

南京白虹貫日

癸酉光祿寺卿趙竑卒大興人成化二十年進士

乙亥服闋南京兵部尚書秦民悅乞致仕不允

安丘縣星涿天鼓鳴

丁丑上御煖閣示輔臣裕陵圖曰孝莊太后隔先

帝數次非禮宜釐正劉健等稱善同論祈廟健等曰先年

議定慈懿太后右大行太皇太后臣等何敢輕議第漢

以前帝后一唐始祔二后宋乃三耳上曰末世不足法

太皇太后恩朕何敢忘但不欲以私壞後世法且孝穆太

后朕所自出也止祀奉慈殿今仁壽宮前殿故甚意奉太

皇太后而孝穆祀後殿歲祭如太廟健等求廷議許之

南京左府帶俸除平侯張祐卒

後府帶俸署都督僉事阮興卒

戊寅南京刑部左侍郎樊瑩為尚書瑩巡視雲貴罷官吏千

餘人時年七十單車屏從躬訪利弊雖僻阻不避威惠大行

庚辰右通政艾璞為光祿寺卿

壬午獻小王子請六千人入貢許二千人命大同延綏偏頭



闕嚴備竟遷延不至  
癸未廷議祔廟英國公張懋使部尚書馬文升等曰魯頌姜  
嫄別廟閔宮春秋考仲子之宮明惠公不得私其母未嘗祔  
也宋雖並祔作而不經詎足法哉議止上復召輔臣示奉  
先殿圖指其西曰奉慈殿也指其東曰神厨也擇地廟奉  
太皇太后遷孝穆太后祔於左

談遷曰孝肅別廟殿在永陵朝徒舌敝耳孝皇手  
植天經恩義無盡陋唐宋為不足法又出獨見非臣下創  
其說噫會孝皇可再彼張桂輩敢貪天之功耶

鹽城縣地震有聲

甲申命太監李興保國公朱暉工部右侍郎張達治裕陵  
總督南京糧儲右副都御史張撫為南京刑部左侍郎  
旱災免安慶池去年田租有差

陝西道茶十五斤 劉本欽

鎮守大同總兵官者整謀銀才言運東三萬衛  
戊子廣西左布政使鄧序為右副都御史總督南京糧儲  
辛卯湖廣盧溪縣雨雹  
陝西運茶買馬督理馬政左副都御史楊一清請招商茶輸



閔嚴備竟遷延不至  
癸未廷議祔廟英國公張懋使部尚書馬文升等曰魯頌姜  
嫄別廟閔宮春秋考仲子之宮明惠公不得私其母未嘗祔  
也宋雖並祔作而不經詎足法哉議止上復召輔臣示奉  
先殿圖指其西曰奉慈殿也指其東曰神厨也擇地廟奉  
太皇太后遷孝穆太后祔於左

談遷曰孝肅別廟假在永陵朝徒舌敝耳孝皇手  
植天經恩義兼盡陋唐宋為不足法又出獨見非臣下創  
其說憶今孝皇可再彼張桂輩敢貪天之功耶

鹽城縣地震有聲

甲申命太監李興保國公朱暉工部右侍郎張達治裕陵  
總督南京糧儲右副都御史張撫為南京刑部左侍郎  
旱災免安慶池去年田租有差

丁亥增陝西苑馬寺及行太僕寺寺丞

鎮守大同總兵官都督莊鑑有罪謫遼東三萬衛  
戊子廣西左布政使鄧岸為右副都御史總督南京糧儲

辛卯湖廣盧溪縣雨雹

陝西運茶買馮督理馮政左副都御史楊一清請招商茶輸



茶馬鈔每斤給五十金大約萬金可得馬三千匹舊不過  
千匹耳其利在官從之一清又請復金牌信符略曰唐時回  
紇以馬易茶宋熙寧間行之所謂摘山之產陽廐之良計之  
善也我朝納馬謂之差發如田之有賦身之有庸非虐使於  
番也納馬酬茶體尊名順非互市比也且非獨以馬也西番  
之藩中國久矣自漢武帝表河西列四郡斷匈奴右臂而漠  
南無王庭今金城之西綿亘數千里北有狄南有羗狄終不  
敢越羗而南以羗為世仇恐議其後也不然則河湟岷隴之  
區能無戎馬之跡乎夫羗夷之人本非孝子順孫徒以資茶  
於我絕之則死故俛首服從此制番控之上策前代略之  
端對國朝獨得之者也頃金牌制廢私販盛行莫能禁止失  
重利垂六十年豈徒邊方之騎乘之用將來遠夷無資於我  
跳梁自肆將生意外之憂撤藩籬之固甚非計也請修復信  
符各供差發其不受約束者徵兵問罪又從之至是年  
四朝午戶部主事席書言致災在朝廷不在雲南在大臣不在  
小臣合光祿寺及內府諸監局院官數千校尉數萬齋醮無  
停日織作頻繁賞賜喻度文武傳陞雜派僭濫災異之警偶  
泄雲南當國大臣不知自省乃考察遠吏當之比為何者哉



章下所司因大...

鹽城縣地連震...

丁酉上孝肅貞順康懿光烈輔天成聖太皇太后尊謚

庚子頒謚詔...

辛丑旌太倉顧鈺妻俞氏貞節故事婦沒旌至是鈺子中

書舍人守元奏得之

廣西恩恩土知府岑濬仇田州土知府岑猛至是攻陷田州

猛僅免朝議討濬

夜月犯右執法星

癸卯京營都指揮使王銘為署都督僉事總兵官鎮守薊州

昏刻火星犯鬼宿積尸氣星

丁未昏刻月掩心宿東星

戊申夜月犯女宿下星

己酉孝肅皇太后祔塋裕陵初孝莊皇太后塋隔吳

宗教丈上欲改遷欽天監以歲殺不利堅止之

乙卯南京後府帶俸清平伯吳琮卒

丁巳夜淮晏火

庚申涼州右副總兵都指揮李祥為征西將軍署都督僉事



總兵官鎮守寧夏  
閏四月朔重脩闕里孔廟成命大學士李東陽致祭先期三

月十七日適大喪改之

禁軍民奏訴泛至八人以上及境外不影累

癸亥江西盜謝福陳金徐九齡等伏誅

九丑四川天龍溪蠻攻陷松潘霸州堡將朱廷復之斬五

級

濬薊州新港便漕

丁卯顧仕隆嗣鎮遠侯顧溥子

兵部尚書劉大夏奉旨條救荒弭盜事宜 上納之

戎辰追治普安州敗軍之罪指揮劉英任禮論死初土官隆

暢父子不協巡撫議改土為流巡按御史張淳從都指揮劉

英議擅立其妻適烏逐米魯而不聽其訟致米魯忿殺阿紀

云

庚午免兗州去年災租

工部左侍郎李鑑會山東巡撫都御史徐源議寧陽埋城最

高浸洗水以濟宜可復濬然洗本汶水支流先是壩戴村遏

汶水盡入南旺分濬北運如洗水復濬深分抵天井閘水共



高三丈有奇勢必奔汶水盡出濟寧通於漕河仍復梗臣按  
視諸河從舊堙城口至柳泉於運道不藉可無事濬從柳泉  
至濟寧運始通利又其流會曹泗等水必疏之始通然後可  
以全注從之

吳道南曰漕之始曷嘗不資洸自分水南旺洸河無復汶

流矣蓋以支汶受全洸之任勢必不勝宋尚書之石盡蓋

元人之遺慮也

辛未巡撫甘肅右副都御史劉璋卒

衛輝人成化二年進士  
居官能治事

癸酉木星祀土星

戎寅南京後府帶俸忻城伯趙溥卒

己卯巡撫河南右副都御史孫需調陝西

庚辰災變令各官指積弊

夜月祀壘壁陣西星

壬午進總制陝西秦紘太子少保

己丑釋輕囚

御製闕里孔廟碑

五廟寅朔光祿寺卿艾璞請量減果每祭祀舊散裝天順間始  
黏砌成化初革令用二尺盤黏砌高二尺荔枝龍眼至百十



斤外棗柿二百六十斤外所費不貲又量減牲口牛乳免齋  
醮上納之命奉先奉慈奉天殿果品仍尺四盤餘盤小寸  
俱散裝

夜大星自太微垣流至近濁

辛卯荆王祐欄薨年三十一謚曰和

陝西左布政使畢亨為右副都御史巡撫甘肅

吏科給事中許天錫以災異請考察中外官罷文武大臣官

銜吏部覆京官仍十年考察上納之各官官銜如故

壬辰國子生魏浚請祠宋儒劉子翬於建寧從之

罷浙直織造內臣令鎮撫官督理

癸巳英廟成妃張氏薨

正陽門西廡火燔武功坊

甲午戶部尚書侶鍾致仕

戶部請減各倉庫門房添設內臣命核之部覆原額不過三

十餘員近添三百三十一下司禮監查奪

丙申巡按陝西右副都御史周季麟改順天

丁酉畿內山東早遣禮部左侍郎李傑禱天壽山各巡撫禱

嶽鎮東海



前所左都督劉寧卒寧世永寧衛指揮使勇略過人歷鎮大  
同甘肅稱名將在甘肅遠襲哈密幸成其功立陣法五十人  
為隊隊五重為陣幟五色又巨幟五幟出則同幟應之循環  
無端即古番工法每戰皆勝再鎮大同衰疾不振亦陳銳失  
於用寧也賜祭塋贈廣昌伯

戊戌陳鏞嗣遂安伯陳韶孫

己亥曉刻金星犯六諸王星

壬寅召總制陝西軍務太子少保戶部尚書秦紘回部  
定考等食廩追糧除名濫貢并坐提學官

徐光祚嗣定國公徐永寧孫

定死罪廢疾年七十上下遣戍遣戍以下收贖

乙巳巳刻南京星流

戊申平涼知府安惟學擒謀功加四川右叅政

己酉無錫人沈廷用言縣唐御史中丞張巡廟宜賜額歲祭  
從之

庚戌裁添設有司官

壬子南陽縣暴風雨河溢壞民居滄死九十人詔賑之

甲寅進廣西河池縣為州



大學士李東陽還自闕里上言臣奉使遠涉川陸見聞不敢  
緘秘臣自閏四月以經裡河天津時亢旱風霾屢作夏麥枯  
死秋未田種運舟不至客舫希少曳纜之夫身無完衣荷鋤  
之人面有菜色極目四望可為寒心臨清安平間盜賊縱橫  
聞青州尤甚南來人言淮揚或掘食死人或賤賣生口民心  
惶·莫知所措江南浙東荒歉方數千里戶口消耗軍伍空  
虛官庫無旬月之儲俸糧有累年之逋夫東南財賦所出歲  
荒至此北地皆窳素無積聚今秋再歉何以堪之臣非經歷  
此地則雖久處官曹日理章疏猶不得其詳况陛下九重

之上耶臣訪之道路詢之官吏皆言冗食太衆國用無經差  
役頻繁科·重派木植顏料物無虛月內府錢糧交納使用  
靡所紀極京城修造前後相仍工役軍士累力倍錢每值班  
操寧死不赴勢家巨室田連州縣徵科過度請乞無厭親  
王之國供費至二三十萬修齋挂袍開山作礦無益害有益  
者間復有之加以貪官酷吏肆虐為奸民力困窮怨咨交作  
他如游手之徒托名皇親附搭鹽舡聲言造店關津羅網商  
稅織造內臣縱使群小撻擊開河官吏遂捉鬻販民居騷擾  
動地又臣目覩在途如此在彼可知夫問閭之情郡縣不得



知也郡縣之情廟堂不得知也廟堂之情九重不得知也是  
皆始於容隱成於蒙蔽容隱之端甚小蒙蔽之禍甚深臣請  
以所見喻之節用如閘河然節一分則工有一分之益廣儲  
如蓄源然積一分則下有一分之利令生民日疲國計日匱  
若事一蠲之則不可盡蠲時一給之則不可勝給在聖心轉  
移間而已陛下以災異戒飭群臣詔書屢降章疏畢陳而  
事關內府勛戚動為掣肘累歲經時俱見過罷誠恐今者所  
言及成故紙伏望採擇斷在必行上納之因自効求退不  
許

丁巳申嚴勲戚舍人擾民之禁

安南國王黎暉卒子敬嗣僭號泰禎未幾死立其弟誼僭號  
端慶

六庚申朔襄主祐材薨年三十一謚曰懷

壬戌署通政司事禮部尚書元守直服除劾免

兵部尚書劉大夏陳兵政弊端京衛苦於出錢江南軍苦於  
轉餉班軍苦於徃返上納之工嘗諭大夏曰每事欲召  
議以非卿所部而止後當以揭帖聞曰揭帖易私事第外付  
府部中咨閣臣也



王世貞曰弘治最多名臣內閣則劉健李東陽謝遷六曹  
則耿裕倪岳余子俊周經張悅戴珊閔珪韓文侍從則楊  
守陳吳寬王鏊方鎮則秦紘王越要未有如王恕馬文升  
劉大夏之灼灼者也恕直諫重天下然不難於孝宗而  
難於憲宗孝宗仁君也然而頗以齟齬終豈非所謂  
事君數斯辱也耶文升數更中外歷權寄不屈不脛蓋以  
才力勝者大夏仁心為質道揆法守晚際魚水密勿都俞  
庶幾有三代風哉造膝之語小有傳者覺主聖而臣微  
不及人謂恕似魏玄成韓稚圭文升合姚采而小遜之大

夏似李沆司馬光又曰恕強差近名大夏弱差近實文升  
練差用術其然豈其然哉

癸亥卯刻金星見雨雪

甲子裁淮安漕運問刑主事

乙亥定京官六年考察

癸酉青浦縣五色雲見

丙子裁順天筦河通判

丁丑裁冗官禁貪酷

錄廣東平黎功進伏羗伯毛銳太子太傅提督軍務潘蕃左



都御史

入薊州潘家口

四川青神縣地震有聲

辛巳北平小王子連營宣大塞外兵部請擇廷臣分督上

是之

報警召輔臣煖閣議備禦方略劉健請簡京營總兵上

曰然健以經戰請上曰貴謀勇耳李東陽曰京營空虛往

年選萬人聽征及再選萬人即不及額上曰將須恤軍不

可剝削

壬午回賊流劫山東河南

癸未劉健等上禦邊事宜出京兵不如募邊勇給大同

馬不如發閭金就市大同又運帑金召商納糧芻拔異才獎

游擊將軍張俊錄都督神英領京兵萬人俟援上納之

大同游擊將軍衛勇副總兵黃鎮都指揮尉景李敬等值

火篩於焦山授指揮鄭瑀等增五千騎圍我追募益萬騎

殺傷相當瑀力戰死亦退

甲申江西廬山鳴如雷明日大風雨水溢丈餘滄星子德安

居人甚衆黃浦



入延綏黃甫川堡

乙酉吏部請行考察從之

丙戌麻入宣府副總兵白玉擊斬八級

太原地震有聲

丁亥崇明顧孟文家雞鷓鴣猴首人形

戊子前太子少保戶部尚書殷謙卒謙涿人正統四年進士

授南京戶部主事性淳樸自守汝寧太原廬撫山西宣府俱

著績年八十贈太子太保

七 丑辰召輔臣煖閣議出師李東陽曰北通朵顏衛夷潮河

川古北口去京師一日聲東擊西遠役大同非計工曰

宜蒐采蓄備以待劉健等稱善召兵部尚書劉大夏議如輔

臣指師不出

癸巳工部左侍郎李鏊大理寺右少卿吳一貫通政司左叅

議叢蘭經略邊關鑿山海關密雲一貫黃花鎮白羊口堡蘭

紫荆倒馬等關召至煖閣面諭賜金幣

邊報屢聞命御馬監太監苗達監督軍務保國公朱暉為征

天將軍總兵右都御史史琳提督軍務司設監太監張林

筦神槍左右叅將李俊神英以京兵二萬操甲待



開封鈞許滄川鄜陵長葛新鄭祀各地震有聲

甲午錦義都指揮僉事韓輔為署都督僉事征前將軍總

兵官鎮守遼東

都察院左副都御史閻仲宇往宣大通政司右叅議能偉往

居庸等閑各理餉閻薦戶部右侍郎顧佐工部之遂薦左

戊戌署詹事府事禮部尚書兼翰林學士吳寬卒寬字原博

長洲人貢入太學成化壬辰禮闈廷對皆第一授翰林脩撰

進右諭德左庶子歷吏部左右侍郎直閣專制誥行履高潔

文醇古有法避榮篤義惜未究其用贈太子太保謚文定子

與特授中書舍人

劉鳳曰吳公當熙洽時以淳德居輔佐贊翊朝夕謨明弼

直公顯百世其度因有異哉方其困厄時人謂公戚何以

彼其才而令久悒、乃不以約有所訟及侍累朝次當遷

劉鳳曰古行 劉有缺

辭避此其誠讓有

師、風古之人乎不可得而見之矣若其學有還於經術

議必奉以從無所阿曲其格正為多而一時禮樂制度彬

質有文武焉可謂盛極固多君子哉咸以純質敦厚濟

穆之治休哉國家文明之會也



開封鈞許洧川鄆陵長葛新鄭祀各地震有聲

甲午錦義都指揮僉事韓輔為署都督僉事征上前將軍總

兵官鎮守遼東

都察院左副都御史閻仲宇往宣大通政司右叅議能偉往

居庸等關各理餉閻薦戶部右侍郎顧佐工孱之遂薦左

戎戎署詹事府事禮部尚書兼翰林學士吳寬卒寬字原博

長洲人貢入太學成化壬辰禮闈廷對皆第一授翰林脩撰

進右諭德左庶子歷吏部左右侍郎直閣專制誥行履高潔

文醇古有法避榮篤義惜未究其用贈太子太保謚文定子

與特授中書舍人

劉鳳曰吳公當熙洽時以淳德居輔佐贊翊朝夕謨明弼

直公顯百世其度因有異哉方其困厄時人謂公戚何以

彼其才而今久悒乃不以約有所訟及侍累朝次當遷

人或先之公不以為濡滯也當進對每辭避此其誠讓有

師上風古之人乎不可得而見之矣若其學有遷於經術

議必奉以從無所阿曲其格正為多而一時禮樂制度彬

質有文武焉可謂盛極固多君子哉咸以純質敦厚濟

穆和之治休哉國家文明之會也



馮時可曰吳先生在翰望最著然當遷叙輒後人無幾微見顏色有積薪歎其讓太宰數語抑何任質率其如此若其經術深邃以贊廟議一時禮樂制度斌、質有文武焉所上繩儲宮疏侃一攷、可謂先幾識微矣官久位高依然寒峻於今又惡能有吁嗟世道日下先生真如黃星慶雲哉

癸卯召輔臣煖閣以劉宇於潮河川鑿品字窖製鉄砲可賞賜皆曰諾又出東廠緝事揭帖云密訪如此劉健等曰須會勘至日再議

昌平盜王璽伏誅

甲辰夜月食

乙巳右通政王洵卒

濬縣人成化二十三年進士

丙午夜月犯外屏西星

辛亥曉刻土星犯鬼宿積尸氣星

壬子卯刻木星見

丙辰曉刻水星犯靈臺上星金星犯上將星

丁巳署國子監事禮部右侍郎謝鐸致仕

南京國子祭酒黃珣服除改國子祭酒



辛酉吏科給事中吳舜戶科給事中王蓋考察不謹當罷訐  
吏部尚書馬文升左都御史戴珊奸私下舜蓋鎮撫司獄舜  
削籍蓋閑住又刑部主事張敷飲狎鄉人妻擬罪請辨亦下  
獄削籍

部院上計降斥有差

壬戌南京戶部右侍郎鄭紀致仕進尚書

戊辰夜南京壽星見

辛未巡撫雲南右副都御史陳金為南京戶部右侍郎  
止保定河間土達吏卒千餘人赴京操練

欽天監天文生張璽有罪出戍邊命注近衛仍赴監著為令

坤成巡撫貴州右副都御史林元甫調雲南巡撫順天右副

都御史洪鍾調貴州

丁丑左春坊左庶子張天瑞卒天瑞清平人成化十七年進

士及第授編修詩文迅筆立就他人貯思不之及

戊寅夜月犯五車星

庚辰遣科道閔騰驤等四衛

裁陝西靈州

丁亥朝罷召吏部尚書馬文升左侍郎焦芳左都御史戴珊



史琳於煖閣諭明年大計預加訪實以文升重聽又諄諭之命左右掖而出自是每召對從容詳悉俱感奮雖下僚莫不

仰注稱盛事云

九戊子朔巡撫延綏都御史文貴請塞上墩臺易傾俱輒築四

窓可發矢從之然土整雖小而堅後甃其外而內木糜費巨

甲午曉刻土星犯鬼宿

丙申景州知州馮馭故城知縣楊凱多斃人論死

戊戌旱災免順天保定河間永平夏稅有差

山西論囚未覆遽決巡按御史盧儀降滄州判官按察使陳

震降兩淮都轉運鹽司同知儀更降山東布政司照磨

辛丑南京木星晝見夜月犯外屏星

癸卯撒馬兒罕入貢

甲辰夜月犯昴宿

辛亥夜月犯靈臺中星

甲寅宣大警太常寺少卿孫交經略

乙卯旱災免真定大名順德夏稅有差

丁巳召閣臣於煖閣諭曰巡按御史覈邊功累歲不報何以

示勸其酌地定以期皆稱善少頃曰昨日講官以善陳閉邪



作陳說不如作敷陳劉健等曰昨太監李榮云善道啟沃他  
非是誠如聖諭 上曰他亦無妨第不若啟沃之尤當講書  
須明透無諱昨講官似顧忌耳  
十月甲子裁南京國子監掌饌  
選彈忠效義二營兵入團營操練

庚午翰林院庶吉士魯鐸溫仁和李時膝霄趙永畢濟川何  
塘為編修周禎為檢討吉時薛金李貫王廷相王萱為給事  
中朱袞為江西道監察御史  
真定知府熊達以河隄功加山西布政司右叅政

壬申總督漕運右副都御史張縉言淮楊運河雨水時則利  
舟令秋旱深冬恐不雪明年水涸梗漕乞先時濬治閉清江口  
葺仁信等壩蓄水以待事下所司

已卯南京部院上計從之

旱災免山東夏稅有差

庚辰錄囚刑科三覆奏失矜疑二人 上怒免二人死戍之

至是朝早召刑部尚書閔珪等煖閣諭其故珪等退引咎奪

月俸

武科許泰等三十五人入朝宴光祿寺大學士劉健主席三



年一舉

癸未總督陝西軍務戶部尚書秦紘致仕

十月戊子裁雲南管礦僉事

辛卯萬餘騎連入莊浪始掠西海

壬辰嚴各邊代攬販馬之禁

乙未先是大理寺右少卿吳一貫錦衣衛指揮使楊玉勘廣

寧衛指揮使楊茂掩事獄詞互異

上親鞫於午門一貫

語塞不能對釋張斌等降一貫嵩明州同知山東左叅政寯

舉降由靖軍民府同知兵備副使錢承德降新興知州僉事

王忠降石屏州同知御史余濂降雲南布政司照磨王獻臣

廣東都許馬驛丞

丙申夜大星自大陵流至壁宿二小星隨之

己亥廣東左布政使陸珩為應天府尹

昏刻月犯昴宿

庚子命令後順天府堂官免外計聽內計

饒平縣盜蘇益凱等以逋租嘯聚

壬寅夜月犯五諸侯西星

癸卯南京兵部尚書韓文改戶部尚書



己巳巡撫保定右副都御史王沂卒武進人成化十一年進士謹恪多官蹟

丁未琉球補貢初風失之

兵部會內外提督選京營把總等官

壬子南京戶部尚書王軾改南京兵部尚書

癸丑霍州天鳴地震

乙卯南京工科給事中句容趙欽居鄉橫奪不法群訴事聞

坐發塚論死

十辰丁巳朔登州天鼓鳴

己未兵部左侍郎熊翀為南京戶部尚書

應天府尹吳雄卒仁和人成化十四年進士

庚申廣西流盜劫湖廣武崗州

甲子兵部右侍郎熊繡為左侍郎右副都御史闞仲宇為右

侍郎

郡縣馬不五百裁筦馬判官縣丞

丙寅右僉都御史王璟巡撫保定兼提督紫荆等關

己巳災旱免鳳陽淮安揚州廬州徐滁田租有差

己巳廣西上思州土官改流官隸南寧

庚午巡撫大同右副都御史劉宇回院



壬申北犯軍夏甘涼花馬池

旌陽曲王府輔國將軍奇渾孝行

丁卯平涼之亂孔溝巡撫周季麟遣都指揮楊宏率西安平涼

軍楊虎力率固原軍禦之虎力以八百人夜遁宏及餘衆死

焉諺曰兩頭白面楊虎力

乙亥傳制封祐祭淮王均鐵壽昌王詮誠遼山王詮銘清源

王聰滋棗強王旭橫長秦王旭檀永福王旭楸建寧王

丙子哈密忠順王陝巴以國人謀奉土魯番懼甚走嘉峪關

命百戶董傑同哈密頭目都督奄克字刺寫亦虎仙至哈密

有孛阿刺等六人欲夜劫我傑等斬之國人遂不敢有他志

勅陝巴還國

己卯北圍靈州都指揮焦洪禦卻之

楊一清兼巡撫陝西

庚辰錄平米魯功進南京戶部尚書王軾太子太保

辛巳禮科都給事中李祿等以京省試錄文義乖違并罪禮

部命摘懲之

命御史陳珀核騰驤等四衛冒占

甲申江西右布政使周南為右副都御史巡撫大同



水旱免湖廣田租有差

乙丑弘治十一年

正月丑，三萬騎圍靈州，別騎自花馬池掠韋州及環縣，命宣

大延綏兵，亟授戶部右侍郎，顧佐治餉。

庚寅，戌刻遼東都司星隕，大如斗。

癸巳，登州星隕，天鼓鳴。

甲午，魯府鉅野王陽薨，年七十一，謚懿安。

乙未，工南郊。

己亥，福建所清屯田，免子粒一年。

庚子，朵顏衛都督阿兒乞蠻入貢言，北小王子許我女不

從，屢被掠，工勅獎之。

辛丑，夜日食。

甲辰，部院大計天下官，上素重兵部尚書劉大夏，左都御

史戴珊召賜金手授之，曰：親時諸大臣杜門，如二卿開閣可

也。今小佐而廉，毋廷謝。

丙午，寧夏清水營燬糧芻。

戊申，山西平定衛及井坪守禦千戶所各地震有聲。



已酉復設廣東補盜僉事駐清遠縣松江同知吳廷舉陞任  
之

左都御史戴珊再乞休不允珊等託劉大夏為請上曰主

人能留客客且強留珊獨不為朕留耶且天下尚未平何舍

朕泣然者久之珊泣謝

庚戌設高郵等隄減水閘

壬子曉刻月犯秦星

二己未朝邑縣地震聲如雷

壬戌金星晝見南京壽星見

癸亥太常寺卿兼翰林學士張元禎左春坊大學士兼侍讀

學士楊廷和主禮闈

五百餘騎寇延綏高家堡指揮藍海等方拒戰總兵張安

夾擊走之

甲子遣科道核御馬監軍旗勇士初太監甯瑾奏止科道改

司禮太監部科執論故有是命

乙丑南京金星晝見

丙寅左春坊左贊善費宏為左春坊左諭德兼翰林侍講

崇明盜施天素降宥死永成貴州都勻衛



丁卯減御馬監芻豆  
戊辰朝畢召戶兵工三部臣於奉天門諭曰生齒雖繁戶口  
日損此官司不能撫恤其弊非一其悉圖之毋飾又詔曰朕  
方圖新政理樂聞讜言除祖宗成憲紛更其餘軍民利病  
直言無有諱  
上以孝肅皇太后之憂久徹講至是禮部覆御史藍章之  
請暫淺色服從之復御經筵  
己巳祀故都御史羅通於居庸關  
鎮守湖廣總兵官後府都督僉事歐磐疾去

兵部左侍郎熊繡司科道核騰驤等四衛  
夜白虹彌天

置易州倉郎中裁居庸三戶部官東路餉屬薊州郎中

戶部主事李夢陽上時政有元氣之病大臣腹心之病內官

有三害兵害民害莊塲畿民之害有六漸墮之漸盜之漸壞  
名器之漸弛法令之漸方術眩惑之漸外戚驕恣之漸曰  
陛下至親莫如壽寧侯今招納亡賴罔利賊民顧不嚴禮以  
為之防臣恐其潰且有日矣上怒下錦衣衛獄指揮牟斌  
詰曰胡不指壽寧侯羽翼夢陽曰慮置對耳斌曰指則可據



事實前其翼矣對焉獄上竟還夢陽職上一日問兵部尚  
書劉大夏外議云何曰頃釋李夢陽中外誦聖德厚甚上  
曰初獄具朕問左右云何曰宜杖朕知此輩欲死夢陽<sup>快</sup>中  
宮朕不為也尋游南宮張鶴齡兄弟夜直上獨召鶴齡膝  
語左右遙見鶴齡免冠首觸地蓋青敷之也鶴齡稍戢

談遷曰 泰陵時壽寧貴震天下中外多藉之媒進無敢

少忤夢陽孱然一孤生抗敷其橫誠批逆鱗矣幸天子  
明恕得全七尺否則一金吾力同逢比游地下也

壬申定西侯蔣驥為征蠻將軍總兵官鎮守湖廣

癸酉<sup>劫</sup>圍靈州久不克去而內掠指揮仇鈇伏兵歸路總兵

李祥援之斬三十二級

甲戌<sup>再</sup>入遼東清河等堡

丁丑夜月犯南斗魁星

壬午<sup>掠</sup>寧夏

甲申禁密雲銀冶

乙酉廣東流盜劫漳浦縣

三朔戌朔 孝肅皇太后 不朝

寇寧夏興武營游擊將軍姜漢擊斬十二級



壬辰戶科給事中劉蕡論吏部文選郎中張紱顛例選法尚書馬文升等疏辨紱即移疾去

泰寧衛酋滿蠻款塞求貢市命上舊勅議之

乙未西安故山東左叅政李崙故刑部員外郎孔琦俱清謹身沒不贍延綏副總兵曹確請卹命歲給其家

己亥嚴沿邊伐木之禁

庚子廷策貢士董圮等三百三人賜顧鼎臣等進士及第出身有差

辛丑曉刻月犯房宿

旗申四川松潘各寨番族聞總兵顏玉進討求撫許之

辛酉定兩京禮部會選監生汰衰疾踈劣之士其衰疾量予免帶踈劣除名

癸亥西渡河北去

辛未召輔臣煖閣諭曰戶部覆處置流民推侍郎何鑑何不  
會吏部劉健等曰係本部事前亦徑推上曰此前人失之  
吏部專推舉且使它日不稱亦無後言健等曰然並令會議  
上曰處置流民是戶部事不必議惟推舉會吏部耳上  
在位久習於事覺數百言動中節會不能悉記自是日而



召對訖矣龍馭不待惜哉

正一嗣教真人張彥頤以龍虎山上清宮火乞重脩建許之

部科言其不可乃止

癸酉延平盜起

丙子曉刻月掩壘壁陣兩星

戊寅起何鑑刑部左侍郎兼左僉都御史撫治荆襄鄖陽德

安等流民

久旱遣官祭告郊社

鎮江孟瀆等河盜劫漕粟千二百石有奇

總督兩廣都御史潘蕃伏羌伯毛銳以南海連山思明等

被劾

甲申上不豫免朝

纂修玉牒成翰林侍講學士楊時暢言玉牒進文華殿禮似

未妥宜改奉天殿示重從之

釋輕囚

五月酉朔不朝

丙戌南京刑部主事胡世寧上六事勸學問廣延納公用人

汰冗費重守令慎輔導章下所司重守令謂倣唐制不歷郡

守不得任侍郎列卿不歷



縣令不得陞  
臺即給舍  
福餘衛首那孩等悔罪求互市許之

已丑 寇獨石

禁偽錢戶部奏鑄弘治錢年來纔十之二 上少之命核工  
科以聞又勅整理鹽法初 上與輔臣論錢鈔鹽法李秉陽  
曰鹽法尤重因及奏討之弊 上曰奏請才幾家耳曰奏請  
一而私費十之所以弊也劉健等曰宗藩亦不宜輒徇 上  
曰近亦裁矣

庚寅 上大漸旦召大學士劉健謝遷李東陽至乾清宮東

煖閣

上坐榻諭曰朕嗣統十八年今殆不起健等慰謝

上曰朕自知之天命不可強也自序即位始末甚詳太監扶

安李璋奉筆硯 上命太監戴義書曰 東宮年十五歲未

婚可今歲舉行又因漱齒不復飲藥手健曰 東宮年幼好

逸樂先生輩善輔之令成令王健等皆飲泣戴義送出東角

門

辛卯 上召諭 皇太子曰後事悉如 先帝遺典祭用素

羞社稷事重孝奉 兩宮進學修德用賢使能毋荒怠也午

刻大風霾雲端若有人騎龍上升人多見之俄 上崩年三



十六遺詔曰朕以眇躬仰承丕緒嗣登大寶十有一年敬天  
勤民敦孝致理夙夜兢、惟上負先帝付託是懼今遘疾  
彌留殆弗可起生死常理雖聖智不能違顧繼統得人亦復  
何憾皇太子厚聰明仁孝至性天成宜即皇帝位其務  
守樂祖宗成法孝奉兩宮進學修德任賢使能節用愛人  
毋驕毋怠中外文武群臣其同心輔佐以共保宗社萬、年  
之業詔下深山窮谷聞之無不哀痛吏民入臨有失聲者初  
上禱雨露立觸寒太醫悞藥之臭血致大故天下恨之  
史臣曰上簡言慎動慤誠克粹闇然而日章燕處必衣

冠雖置筆硯有常處曰凡事皆合如此又曰吾不自治誰  
能治吾日五鼓率起祝天每值水旱災異輒齋心露禱減  
稅緩獄郊祀奏樂有悞召樂官詰問惇叙彛典動據太  
祖置文皇永樂大典於宮中時、省閔小民章奏披覽  
必盡有以人命訟寃者未嘗不為覆訊寧失不經臣下逆  
耳若口之言紛然雜進而含容茹納未嘗輕有罰譴雖小  
官末吏考察黜退如不得已尤軫恤武臣邊帥在位既久  
見內外諸司弊端日積欲痛加釐革以復祖宗之故而  
旁詢博訪務窮根節含洪隱忍不欲太驟愛惜財用牲口



日給粟豆皆有籍記尤重名義論及後世青史恒為悚然  
中外方延頸踵踵翕然望治忽罹大變哭臨之日臣民號  
慟頓不能興梓宮所過哭聲震野其得人心之深如此  
鄭曉曰帝仁慈恭儉敬慎英明清心寡欲愛民節用方術  
宦寺莫敢干撓憫災思患戢盜防胡且崇德報功興滅繼  
絕憂勤惕勵始終不渝迹其修齊治平之效盖有得於二  
南六典九經之道矣若乃崇祀奉慈而秩分甚嚴友愛興  
獻而恩禮愈篤悼念昭德而保護甚至廟號 孝宗不亦  
耳乎即位之初徐溥劉健入內閣王恕入吏部自是衆賢  
並進李東陽謝遷丘濬耿裕倪岳馬文升劉大夏周經戴  
珊張敷華黃紱何喬新彭韶楊守陳周洪謨許進楊繼宗  
屠濬秦紘鄧廷瓚謝鐸章懋張悅林瀚吳寬張元禎王鏊  
楊廷和劉忠韓文林俊楊一清樊瑩熊繡諸君子襄贊皇  
猷旬宣方岳當是時朝多耆俊之臣野無廢銅之彥士脩  
端靜之節人懷澡競之耻吏鮮苛贖之風民懷樂利之澤  
洋、乎蔚、乎有豐芑棧樸之化焉說者又曰 泰陵晝  
接再三虛懷霽色勵精訪治將大有為而諸君子志在包  
荒意存裕盞多思少斷坐失良期然十九年間財以足民



為富兵以薄伐為威刑以緩死為恩禮以隨時為大可謂  
與民休息培植元氣者矣內外安寧幾至刑措商周甲戌  
成康之盛何以加焉升遐之日萬方哀痛如喪考妣豈偶  
然哉豈偶然哉

李維禎曰 諸帝山陵作原廟 后並坐配食皇貴妃而  
下左右侍一帝一后獨 泰陵耳體貌大臣開廣言路節  
用愛人休息子無為近者歌謳而樂之遠者踴躍而趨之  
德澤上昭天下漏泉至於今父老稱弘治之盛雖漢文宋  
仁何以加焉

鄧元錫曰聞諸父老言 敬皇帝之世太平有象也君臣  
恭和海內雍宴兆氓益殷熾阜裕學士爭游情於三代兩  
漢之文、洋、魏、斯為盛語曰日中必昃即欲為國家建  
治平無疆之統斯千載一時矣

朱國禎曰三代以下稱賢王者漢文帝宋仁宗與 我明  
之 孝宗皇帝匪獨天資粹美亦由學問優長漢文得之  
黃老宋仁宗亦如之我 孝宗儒而兼綜故其學獨正其  
治獨隆學士張元禎疏勸經筵講太極圖西銘諸書 上  
索而觀之曰天生斯人開朕也其淵源如此故發揮事業



巍然煥然十一年中深仁厚澤幾於必世遠非漢宋可及  
說者猶曰外戚太厚賜予太廣此皆自兩太后起見即  
慶讚亦所不廢愈見其大又曰冗員太多則先朝傳奉革  
之殆盡曰中貴太盛則李廣至於自盡苗達不聞弄權蓋  
寬以成其孝節以制其流內外時措各有攸當稱曰聖主  
又何疑焉

何喬遠曰 帝仁心為質布政優、右威左德先賞後罰  
至於外戚太厚中貴太盛予賜太廣寧與之為有餘可謂  
如天之度末年而聖崩殂之日深山窮谷田畯紅女無不

哀吟思慕若喪家比成康焉國家以左為上

談遷曰國家積歲熙洽嗚吠烟燹蒸、如也豈不稱盛際  
哉僅一二秕政賢僉雜迹或反為所用吏民嘆焉 孝宗

在東宮久稔知其習首罷宰相次第釐革改步之初中外  
鼓舞曉然誦明聖議 上意所嚮也優容言路彙籲良士  
六卿之長皆民譽三事之登皆儒英講幄平臺天聽日卑  
老臣造膝之語不漏屬垣少年慟哭之談嘗為動色故良  
楷鑑斷刑賞恬肅雖壽寧之戒天下艷之然寵如竇憲尚  
難泌水之園驕即武安未請考工之宅則 帝心端可知



矣宵旰之勤盡十八年如一日而宣室之謨畫天章之筆  
札諸臣惟鎮靜之是務補苴可護神理舒譴欲脫略凡近  
強往迴圖尚未之逮也而纓綬耻於速化閭閻媿於佻達  
考其歸宿兢於先民非德澤深厚能摩切如此哉詔不  
反汗兵不屢駕最軫念民力於時水旱夷盜多見告吏民  
喁喁忘流徙屠掠之憤俱交口慕說噫孝宗何以得此  
於天下哉億萬載無疆之休一傳而斬古者天子一娶十  
二女帝姬嬪不廣縣今而觀先王之慮遠矣



程